

Maethu

Uned Plant a Theuluoedd

Children and Families Unit



Mae plant sydd 'dan ein gofal' fel arfer yn byw efo gofalwyr maeth. Mae ymchwil a'n profiad wedi dangos i ni mai'r lle gorau i'r rhan fwyaf o'r plant hyn gael gofal yw mewn teulu maeth.

Pwy sy'n maethu?

Y dyddiau hyn, nid yw maethu yn golygu gofalu am blentyn a'i fagu/magu fel eich plentyn eich hun. Y bwriad erbyn hyn yw helpu plentyn rhywun arall ar adeg pan fo anhawster mawr yn ei fywyd/bywyd. Caiff rhieni eu hannog i aros mewn cysylltiad agos efo bywydau eu plant, ac i barhau i fod yn gyfrifol amdanynt. Gall gofalwyr maeth weithio'n agos efo'r rhieni. Yn aml, bydd plant yn dychwelyd gartref, er y gallai rhai aros mewn gofal maeth tymor hir, gael eu mabwysiadu, neu symud i mewn i lety annibynnol, gan ddibynnu ar eu hoedran a'u haeddfedrwydd.

Mae gennym ofalwyr maeth o bob lliw a llun, a'r brif amod yw bod ganddynt amser i'w roi i blant. Rydym yn gwerthfawrogi'r profiadau a'r sgiliau sydd gan bobl i'w cynnig i faethu. Gall gofalwyr maeth fod yn senl, yn briod neu mewn perthynas. Gallant fod mewn gwaith neu'n ddi-waith, mewn cartref wedi ei rentu neu eu cartref eu hunain, yn ifanc neu ddim mor ifanc. Croesewir ceisiadau oddi wrth bobl o unrhyw hil, cred a diwylliant.

Pam fod plant angen gofal maeth a pha fathau o blant sydd angen gofalwyr maeth?

Mae llawer o resymau pam nad yw rhieni yn gallu gofalu am eu plant gartref. Gallent fod yn mynd drwy argyfwng teulu. Mae'n bosibl fod rhai plant a phobl ifanc wedi dioddef camdriniaeth gorfforol neu rywiol, neu wedi eu hesgeuluso. Mewn rhai achosion, caiff plant eu tynnu o ofal eu rhieni drwy orchymyn llys, mewn achosion eraill, mae

plant yn mynd i ofal yn dilyn trafodaethau efo'r rhieni a chyda'u cytundeb. Caiff rhai teuluoedd sy'n dioddef anawsterau gefnogaeth drwy ddarparu gofal 'gwyliu' byr ar gyfer y plentyn – cyfnod mewn llety, fel arfer, am gyfnodau bwriedig rheolaidd. Mae'r Cynllun Cyswllt Teulu yn darparu gofal tymor byr ar gyfer plant gydag anabledau.

Gellir gofalu am blant a phobl ifanc rhwng 0 – 18 oed i ffwrdd oddi wrth eu teulu. Ceisiwn gadw brodyr a chwiorydd gyda'i gilydd.

Sut caiff gofalwyr maeth eu hasesu?

Fel y byddech yn disgwyl, mae darpar-ofalwyr maeth yn gorfod mynd drwy nifer o wiriadau cefndir sy'n cynnwys holi'r Biwro Cofnodion Troseddol, y Gwasanaeth Prawf, NSPCC, yr heddlu, iechyd ac addysg. Rydym yn cael tystlythyrau personol oddi wrth bobl sy'n adnabod y darpar ofalwr/aig neu ofalwyr maeth yn dda, ac sy'n gallu rhoi barn onest am sut y bydd maethu yn effeithio ar bobl yn y teulu, a pha fath o ofalwr/aig maeth fydd yr un dan sylw.

Rydym yn siarad efo pob oedolyn a phlentyn (gan ddibynnu ar eu hoedran a'u dealltwriaeth) yn y cartref, ond yn amlwg yn canolbwyntio ar y bobl hynny a fydd yn gweithredu mewn rôl rhieni. Gofynnwn i ymgeiswyr lenwi ffurflen sy'n rhoi manylion syml amdanynt eu hunain a'u teimladau ynglŷn â maethu.

Gall y broses asesu darpar-ofalwyr maeth gymryd nifer o fisoedd. Mae gweithiwr/aig cymdeithasol o'r Tîm Lleoli Plant efo Teuluoedd yn cynnal asesiad ac yn gweithio efo'r teulu er mwyn llunio adroddiad ar brofiad, diddordebau a sgiliau'r ymgeisydd sy'n berthnasol i faethu. Hefyd, rydym yn cynnig hyfforddiant dechreuol ar yr un pryd â'r asesiad, a disgwyliwn i'r holl ymgeiswyr gwblhau'r hyfforddiant hwn. Caiff yr adroddiad asesu wedi ei gwblhau ei gyflwyno i Banel Maethu Conwy, er mwyn iddynt

ystyried y cais i faethu. Yna, bydd y panel yn gwneud argymhelliad ynglŷn â chymeradwyo yn seiliedig ar yr adroddiad asesu. Gall ymgeiswyr fynd i'r cyfarfod panel os dymunant.

Beth am gefnogaeth a hyfforddiant?

Bydd gan yr holl ofalwyr maeth weithiwr/aig cymdeithasol o'r Tîm Lleoli Plant efo Teuluoedd a fydd yn eu goruchwyllo ac yn ymweld â hwy yn rheolaidd er mwyn darparu cefnogaeth ac arweiniad i'r teulu maeth.

Mae'r Uned Plant a Theuluoedd yn cynnig rhaglen dreigl o gyrsiau hyfforddi sy'n ymwneud â gofalu am blant, a chaiff gofalwyr maeth sydd wedi eu cymeradwyo eu hannog i wneud yr hyfforddiant. Mae rhai gofalwyr maeth yn mynd yn eu blaenau i wneud cais am NVQ Lefel-3 mewn Gofalu am Blant a Phobl Ifanc.

Mae'r holl ofalwyr maeth yn cael lwfans cynnal i'w helpu i ofalu am y plentyn neu'r plant maeth. Mae'r gofalwyr sy'n gweithio tuag at, neu wedi cwblhau, eu NVQ Lefel 3 hefyd yn cael ffi.

Mae Cymdeithas Gofal Maeth Conwy:

- Yn cael ei rhedeg gan ofalwyr maeth;
- Yn darparu cefnogaeth a gwybodaeth i ofalwyr sydd wedi eu cymeradwyo;
- Yn darparu cyfleoedd i gyfarfod gofalwyr eraill; ac
- Yn trefnu digwyddiadau cymdeithasol ar gyfer teuluoedd maeth a'u plant maeth.

Sut i ganfod mwy am faethu yng Nghonwy

Os hoffech wybod mwy am faethu yng Nghonwy, byddwn yn falch o glywed oddi wrthyh. Gallwch gysylltu efo'r Tîm Lleoli Plant efo Teuluoedd yn:

Uned Plant a Theuluoedd
Anecs y Ganolfan Ddinesig
Ffordd Abergele
Bae Colwyn
Conwy
LL29 8AR
Ffôn: 01492 514871

Gallwch gael y daflen yma ar dâp sain, mewn Braille ac mewn print bras. Os ydych angen un o'r rhain, yna ffoniwch 01492 574 065.

Os ydych chi eisiau unrhyw wybodaeth mewn iaith ar wahân i Gymraeg neu Saesneg, fe wnawn ein gorau i geisio cael cyfieithiad i chi.

Gallwch gael mwy o wybodaeth am y daflen yma o:

Cyfarwyddiaeth Gofal Cymdeithasol a Gwasanaethau Tai
Builder Street,
Llandudno, LL30 1DA.

Ffôn: 01492 574 065

